

S A M Þ Y K K T

um lokunartíma sölubúða og sölustaða á Raufarhöfn.

1. gr.

Sölubúðum á Raufarhöfn skal loka eftir því sem ákveðið er í 2., 3. og 4. gr. samþykktar þessarar. Sama gildir um sölustaði, þar sem innlendir varningur er hafður á boðstólum og hans ekki neytt á staðnum.

2. gr.

Alla virka daga ársins skal sölubúðum og sölustöðum lokað eigi síðar en kl. 18.00 og þær eigi opnaðar aftur fyrr en kl. 8.30 næsta virkan dag. Þó skulu vera þær undantekningar frá þessu, er nú skal greina:

Aðfangadag jóla og á gamlaársdag skal sölubúðum og sölustöðum lokað eigi síðar en kl. 13.00. Síðasta virkan dag fyrir aðfangadag jóla er heimilt að halda sölustöðum opnum til miðnættis, svo er og heimilt að hafa opið til kl. 22.00 einn virkan dag á undan þessum degi, skömmu fyrir jól.

Á tímabilinu frá 1. maí til 30. sept. skal á laugardögum loka sölubúðum og sölustöðum eigi síðar en kl. 13.00, á tímabilinu 1. okt. til 31. des. kl. 16.00, frá 1. jan. til 30. apríl eigi síðar en kl. 16.00.

3. gr.

Almenna helgidaga, sumardaginn fyrsta, 17. júní og fyrsta mánudag í ágúst-mánuði mega ekki sölubúðir eða sölustaðir vera opnir.

Hinn 1. maí og 1. desember skal sölubúðum og sölustöðum lokað kl. 12.00 á hádegi, ef þessa daga ber upp á virka daga.

4. gr.

Frá ákvæðum um lokunartíma sölubúða og sölustaða í samþykkt þessari skal sú undanþága vera, að brauðsölubúðum og/eða brauðgerðarhúsum og mjólkurbúðum má halda opnum eingöngu til sölu á brauði, kökum, mjólk, rjóma og skyri, sem hér segir:

Almenna helgidaga, sumardaginn fyrsta, 17. júní og fyrsta mánudag í ágúst-mánuði. Þó skal loka jóladag, nýársdag og páskadag eins og öðrum búðum.

Veitingastaðir, er hafa fengið tilskilið veitingaleyfi, mega vera opnir til kl. 23.30, enda sé söluvörum þeirra neytt að veitingastað. Þó skal þeim lokað: jóladag, nýársdag, páskadag og hvítasunnudag svo sem öðrum sölustöðum.

Aðfangadag jóla og gamlaársdag skal loka eigi síðar en kl. 16.00.

5. gr.

Sveitarstjórn getur leyft, að vikið sé frá ákvæðum um lokunartíma sölubúða, þegar um er að ræða:

- a. Verzlanir, er selja varning beint út á götu, t. d. gegnum söluop, eða hafa sérstakt leyfi sveitarstjórnar og heilbrigðisnefndar, til að verzla með takmarkaðan fjölda vörutegunda.
- b. Veitingastaðir, er samkvæmt sérstöku leyfi sveitarstjórnar selja vörur, sem ekki er ætlað að neyta á staðnum. Undanþegnir gjaldi samkvæmt síðustu málsgrein, eru þeir veitingastaðir, sem selja heitar máltíðir, enda sé sú starfsemi megin hluti rekstursins, að dómi sveitarstjórnar.

Í verzlunarstöðum þessum má selja þann varning, er heilbrigðisnefnd samþykkir hverju sinni, og er umbúnaður þeirra og fyrirkomulag allt háð samþykki

lögreglustjóra og heilbrigðisnefndar. Sala má þar fara fram á virkum dögum kl. 77
8.00—23.30 og á helgidögum frá kl. 9.00—12.00 og kl. 16.00—23.30. Þó skal lokað 16. júní
föstudaginn langa, páskadag, hvítasunnudag, aðfangadag jóla og jóladag og nýárs-
dag, samkvæmt því sem segir í 4. gr.

Sveitarstjórn getur sett nánari reglur um leyfi til verzlunarreksturs skv. þessari
grein og getur bundið hann öllum þeim skilyrðum, er hún telur nauðsynlegt, m. a.
greiðslu árlegs gjalds til sveitarsjóðs fyrir hvert leyfi, og má innheimta það með
lög taki.

6. gr.

Fólk, sem komið er inn í sölubúð eða sölustað fyrir lokunartíma, er heimilt að
afgreiða eftir að lokað er.

Matvæli og aðrar nauðsynjavörur til skipa, sem eru að leggja úr höfn, er heimilt
að afgreiða eftir lokunartíma. Heimild þessi nær til allra tíma sólarhringsins, svo
og helgidaga, yfir sildarvertiðina.

7. gr.

Lyfjasala er undanþegin reglugerð þessari.

8. gr.

Sveitarstjórn er enn fremur heimilt, þegar sérstaklega stendur á, að veita undan-
þágu frá samþykkt þessari fyrir einstaka daga og til þess að sala fari fram í góð-
gerðaskyni eða til ágóða fyrir stofnanir eða félgassamtök, er vinna að menningar-
málum og líknar- og mannúðarmálum.

9. gr.

Samþykkt þessi, sem er gerð af hreppsnefnd Raufarhafnarhrepps, samkv. lögum
nr. 17 1. febrúar 1946, um samþykktir um lokunartíma sölubúða, staðfestist hér með
og birtist til eftirbreytni öllum þeim, sem hlut eiga að máli. Brot gegn samþykkt
þessari varða sektum 20—500 krónum og renna sektirnar í sveitarsjóð. Mál út af
brotum gegn samþykkt þessari skal reka sem almenn lögreglumál.

Félagsmálaráðuneytið, 16. júní 1958.

F. h. r.

Hjálmar Vilhjálmsson.

Gunnlaugur Þórðarson.

REGLUGERÐ

um takmörkun leigubifreiða á Akranesi og um ráðstöfun atvinnuleyfa.

1. gr.

Tala allt að 8 farþega leigubifreiða til mannflutninga á Akranesi skal á hverjum
tíma miðuð við íbúatölu Akraness, þannig að ein leigubifreið komi á hverja 200
íbúa, sem lögheimili eiga á Akranesi samkvæmt nýjustu skýrslum Hagstofu Íslands.

Þegar rétt hlutföll eru fengin milli tölu leigubifreiða og íbúatölu, skal veita
atvinnuleyfi í stað hvers leyfis er losnar, svo og vegna fólksfjölgunar, eitt leyfi
fyrir hverja 200 íbúa.

Atvinnuleyfi skulu að jafnaði veitt frá og með 1. júní ár hvert, ef veita skal þau
samkvæmt framanskráðu.